

Slotsholmsgade 10
1216 København K.

T +45 7226 8400
F +45 3393 3510

www.justitsministeriet.dk
jm@jm.dk

MISSINGIUT

Inatsisinik atuutsitsillutik oqartussat inunnut paasissutissanik suliarinnittarnerat pillugu inatsisip Kalaallit Nunaannut atuutilersinneqarnera pillugu peqquussut

UAGUT MARGRETHE AAPPAAT, Guutip saammaassineratigut Danmarkip Dronningia matuminnga tamanut nalunaarpugut:

Inatsisinik atuutsitsillutik oqartussat inunnut paasissutissanik suliarinnittarnerat pillugu inatsimmi nr. 410, 27. april 2017-imeersumi § 56¹, inatsisinik atuutsitsillutik oqartussat inunnut paasissutissanik suliarinnittarnerat pillugu inatsimmik allannguneq pillugu inatsimmi nr. 503, 23. maj 2018-imeersumi § 33, imm. 2², nutaarsiassaqaqtitsiviit tamanut annguttartut (massemedie) qarasaasiakkut paasissutissaasivii (informationsdatabase) pillugit inatsit aamma inatsisit allat (Paasissutissat illersorneqartarnerat pillugu inatsisip aamma paasissutissat illersorneqartarnerat pillugu peqqussutip kiisalu tamanit iserfigineqarsinnaasuni qarasaasiakkut paasissutissaasiveqarfinni nutaarsiassaqaqtitsiviit akisussaaffii pillugit inatsimmik atuinerup malitsigisaanik kinguneritinneqartut allanngorneri il.il.), aamma tv-kkut nakkutilliineq pillugu inatsimmi nr. 506, 23. maj 2018-imeersumi § 4, imm. 2³ aamma Inatsisinik atuutsitsillutik oqartussat inunnut paasissutissanik suliarinnittarnerat pillugu inatsit (Tv-kkut nakkutilliineq, pinerluttuosorineqartunik tv-kkut nakkutilliinermiit assilisanik- aamma nipinik immiussanik inuussutissarsiortut akornanni avitseqatigiissinnaanermut periarfissamut atatillugu inunnut paasissutissanik suliarinnittarnerat pillugu maleruagassanik atueqqinneq (ingerlatitseqqiineq) il.il.) malillugit, inatsit tulluuttutut allagaalluni Kalaallit Nunaannut atuutissasoq, aalajangiunneqarpoq:

Immikkoortoq I

Aallaqqaasiutitut aalajangersakkat

Kapitali 1

Inatsimmik susassa qarfiit

§ 1. Politiit, unnerluussisussaataasut, ilaatillugit sakkutooqarnikkut unnerluussisussaataasut, pinerluttunik isumaginnittut, tamakkiisumik imaluunniit ilaannakortumik qarasaasiakkut isumamineertumik ingerlasumik Politiit Naammagittaalliutigineqarnerannut Oqartussat Arlaannaannulluunniit Attuumassuteqanngitsut aamma eqqartuussiveqarfiit, inunnut paasissutissanik suliarinnittarnerannut, aamma pitsaaliuineq, paasiniaaneq (politiinit), qulaajaaneq imaluunniit pinerlunnermik inatsisitigut akisussaataitanermik malitseqarsinnaasunik iliuutsinik eqqartuussisulersuussineq siunertaralugu, imaluunniit pinerluttulerinermut inatsit malillugu iliuusissanik naammassinninnernik, ilaatillugu tamat isumannaatsuutinneqarnerannut navianartunut pitsaaliuiniarluni imaluunniit illersuiniarluni suliarinninneq suliarineqarpat, nalunaarsuivimmiittunik imaluunniit nalunaarsuivimmiilersussanik allatut isumamineertuunngitsumik inunnut paasissutissanik suliarinnittarnernut, inatsit atuuppoq.

Imm. 2. Politiinut aamma illersornissaqarfiup paasiniaasartuinut imaluunniit politiinit aamma illersornissaqarfiup paasiniaasartuinit suliarineqartut inunnut paasissutissanik suliarinninnernut inatsit atuutinngilaq.

Imm. 3. (Kalaallit Nunaanni atuutilersinneqassanngilaq)

§ 2. Inunnut paasissutissanik suliarinninneq pillugu inatsisini allani maleruagassat, nalunaarsugaasumik inatsisitigut pitsaanerusumik inissisimalersitsisut, matumani inatsimmi maleruagassanit

salliutinneqassapput.

Kapitali 2

Isumasiuutit

§ 3. Inatsimmi matumani tulluuttut ima paasineqassapput:

- 1) Inunnut paasissutissat: Inuk (nalunaarsugaasoq) kinaassusersisaq imaluunniit kinaassusersineqarsinnaasoq pillugu paasissutissat suulluunniit.
- 2) Suliarinninneq: Sunaluunniit suliaq imaluunniit suliat malitsigiittut suliarinnissutunik isumamineertunik atortoqarluni imaluunniit atortoqarani, inunnut paasissutissanik imaluunniit kattusimasunik inunnut paasissutissanik sulianut ilaqartitsineq.
- 3) Suliarinninnermik killilersuineq: Paasissutissanik tamakkuninnga siunissamik suliarinninnissap killilersornissaa siunertaralugu toqqortaatigineqartunik inunnut paasissutissanik nalunaaqutsersuineq.
- 4) Kinaassusiliorneq: Inuk piviusoq pillugu inuttut pissutsit aalajangersimasut nalilersornissaannut inunnut paasissutissanik atuinermik imaqartoq, sunaluunniit inunnut paasissutissanik isumamineertumik suliarinninneq.
- 5) Nalunaarsuiffik: qitiusumik imaluunniit avinngarusimasumik imaluunniit atornissaa naapertorlugu agguagaasumik imaluunniit nunap pissusaa tunngavigalugu tamanna katitigaq inissitaasinnaasoq, piumasaqaatit aalajangersimasut malillugit pissarsiarineqarsinnaasut inunnut paasissutissat ilusilimmik katitikkat suulluunniit.

- 6) Oqartussaasut piginnaatitaasut: Pitsaaliuineq, paasiniaaneq (politiinit), qulaajaaneq imaluunniit pinerlunnermik inatsisitigut akisussaataaernermik malitseqarsinnaasunik iliuutsinik eqqartuussisulersuussineq siunertaralugu, imaluunniit pinerluttulerinermut inatsit malillugu iliuusissanik naammassinninnernik, ilaatillugu tamat isumannaatsuutinneqarnerannut navianartunut pitsaaliuiniarluni imaluunniit illersuiniarluni naalagaaffimmi inatsisit naapertorlugit pisortatigoortumik oqartussaassuseqarnissamut aamma pisortatigoortumik piginnaatitaanissamut piginnaatitaasoq sunaluunniit pisortani oqartussaaffik imaluunniit alla immikkoortortaarfik imaluunniit ataatsimoortoq alla. Kalaallit Nunaanni oqartussaasut piginnaatitaasut tassaapput politiit, unnerluussisussaataasut, ilaatillugit sakkutooqarnikkut unnerluussisussaataasut, pinerluuteqarsimasunik isumaginnittut, Politiit Naammagittaalliutigineqarnerannut Oqartussat Arlaannaannulluunniit Attuumassuteqanngitsut (Den Uafhængige Politiklagemyndighed) aamma eqqartuussiveqarfiit.
- 7) Qarasaasiami paasissutissanut akisussaasoq: Oqartussaasoq piginnaatitaasoq, inunnut paasissutissanik suut atortoralugit sunalu siunertaralugu suliarinninnissamut kisimiilluni imaluunniit allanik ilaqaarluni aalajangiisinnaasoq.
- 8) Qarasaasiami paasissutissanik suliarinnittartoq: Inuk imaluunniit inatsisitigut akisussaasoq, pisortani oqartussaaffik, pisortani suliffeqarfik imaluunniit immikkoortortaarfik alla, qarasaasiami paasissutissanut akisussaasoq sinnerlugu inunnut paasissutissanik suliarinnittartoq.
- 9) Tigusisussaq: inunnut paasissutissanik ingerlatitseqqiivigineqartoq inuk imaluunniit inatsisitigut akisussaasoq, pisortani oqartussaaffik, pisortani suliffeqarfik imaluunniit immikkoortortaarfik alla, taamaalilluni tiguisup tamatuma kingorna namminerisaminik, peqatigiit avataaniittuugaluaruni imaluunniit avataaniittuunngikkuni, suna siunertaralugu suullu atorlugit paasissutissat imminut ingerlateqqinneqartut sussanerlugit aalajangissallugu. Oqartussaasut,

immikkuullarissumik apeqquteqaateqarnikkut inunnut
paasissutissanik nalunaarfigineqarsinnaasut, tiguisussatut
isigineqanngillat.

- 10) Inunnut paasissutissanut isumannaallisaanermik unioqqutitsineq:
sunaluunniit isumannaallisaanermut unioqqutitsineq
peratarsinnaasumik imaluunniit inatsisaatsuliornikkut
suujunnaarsitsineq, peratarsinnaasumik imaluunniit
inatsisaatsuliornikkut annaasaqarneq, peratarsinnaasumik
imaluunniit inatsisaatsuliornikkut allannguineq imaluunniit inunnut
paasissutissanik nassiussuunneqareersunik, toqqorneqareersunik
allatulluunniit passunneqareersunik pisinnaatitaaffiginagu
ingerlatitseqqiineq imaluunniit pissarsisinnaaneq.
- 11) Inuup sananeqaataanik paasissutissat (Genetiske data): Inuup
kingornussimasai imaluunniit pissarsiarisimasai sananeqaatitut
ilisarnaatit pillugit inuk pillugu paasissutissat,
paatsuugassaannngitsumik inuup pineqartup timaanik imaluunniit
peqqissusianik paasissutissiisut, aamma pingaartumik inummik
pineqartumik uumassusilerituussutsikkut misissugassatut tigusamik
misissueqqissaarnerup kingorna saqqumisut paasissutissat.
- 12) Timikkut ilisarnaatinik paasissutissat (Biometriske data):
Assersuutigalugu kiinaata assinganik imaluunniit inuaasa ipaannik
paasissutissanik inuup pineqartup paatsuugassaannngitsumik
kinaassusersinissaata periarfissiuunnissaanut imaluunniit
uppernarsinissaanut timikkut imaluunniit pissusilersornerata
imaluunniit timikkut sananeqaatikkut imaluunniit isikkorisakkut
ilisarnaatai pillugit teknikkikkut immikkut ittumik passunneqarnerata
malitsigisaanik inuk pillugu paasissutissat.
- 13) Peqqissutsimik paasissutissat: ilaatillugu, pineqartup
peqqissusaaanik paasissutissiisumik peqqissaatinik tunniussineq,
inuup timikkut imaluunniit eqqarsartaatsikkut peqqissusaa pillugu,
inuk pillugu paasissutissat.
- 14) Nunanut tamalaanut kattuffik (International Organisation): Inatsisitigut
inuiannut kattuffik aamma suleqatigiiffiit, kattuffiup imaattup
ataaniittut, aamma suleqatigiiffimmut sumulluunniit, nunat marluk,

amerlanerusulluunniit akornanni isumaqatigiinnermik inatsisitigut
tunngavilerlugu pilersitaq.

Immikkoortoq II

Suliarinninnissamut maleruagassat

Kapitali 3

Paasissutissanik suliarinninneq

§ 4. Paasissutissanik suliarinninnermut ileqqut pitsaasut aammalu paasissutissat suussusaat eqqarsaatigineqarnerat naapertorlugit paasissutissat passunneqartassapput.

Imm. 2. Paasissutissanik katersuineq, § 1, imm. 1-imut ilaatinneqartunut erseqqissumik taasanut aamma suliamut tunngasunut siunertanut pisassaaq, kingusinnerusukkullu suliarinninneq siunertanut taakkununnga katigunneqarsinnaassalluni, taamaattoq tak. § 5.

Imm. 3. Paasissutissat passunneqartut, suliamut tunngasuussapput naammassallutillu aamma paasissutissat katersorneqarnerannut, aamma siunertanut, paasissutissat kingusinnerusukkut passunneqarfissaannut siunertat naammassinissaannut piumasaqaataasunik annertunerusunik ilaqassanatik.

Imm. 4. Paasissutissat passunneqartut, eqqortuussapput aamma pisariaqartillugu ilassutitut malinnaasitaassallutik. Sumilluunniit naapertuuttumik iliuuseqartoqartassaaq inunnut paasissutissat passunneqarnermut siunertanut naleqqiullugu eqqunngitsut ingerlaannartumik piiarneqartarnissaat imaluunniit iluarsineqartarnissaat qulakkeerniarlugu.

Imm. 5. Inunnut paasissutissat eqqunngitsuuppata, ilivitsuunngippata imaluunniit ilassutitut malinnaasinneqarsimanngippata, ingerlateqqinneqartassanngitsut imaluunniit atugassiarineqartassanngitsut

qulakkeerniarlugu, qarasaasiami paasissutissanut akisussaasuusoq iliuusissanik naapertuuttunik aalajangiisassaaq. Tamanna siunertarlugu qarasaasiami paasissutissanut akisussaasuusoq, inunnut paasissutissat ingerlateqqinneqartinnagit imaluunniit atugassiarineqartinnagit sapinngisamik pitsaasuunissaannik qulakkeerisassaaq. Paasissutissanik ingerlatitseqqiinnermut atatillugu, inunnut paasissutissat eqqortuunersut, ilivitsuunersut aammalu tatigineqarsinnaanersut, aamma qanoq annertutigisumik allannguutitut malinnaasinneqartigisimanersut, tiguisussap oqartussa qarfiup naliliinissaanut, sapinngisamik paasissutissanik pisariaqartunik ilassusiisoqartassaaq. Paasineqarpat inunnut paasissutissanik eqqunngitsunik, imaluunniit inunnut paasissutissanik unioqqutitsisumik ingerlatitseqqiisoqarsimasooq, ingerlaannartumik tamanna tiguisussamut nalunaarutigineqassaaq. Taava taamaattoqartillugu paasissutissat iluarsineqassapput imaluunniit piiarneqassapput, imaluunniit suliarinninneq killilerneqassaaq.

Imm. 6. Paasissutissat katersorneqarsimasut, paasissutissat passunneqarnerannut siunertaasut eqqarsaatigalugit nalunaarsugaasup kinaassusersinissaanut periarfissiisumik piffissamit pisariaqartumit sivilunerusumik, paaqqutarineqassanngillat.

Imm. 7. § 27 naapertorlugu kattuffeqarneq eqqarsaatigalugu imaluunniit tulluuttunik teknikikkut iliuusissanik atuinnermi peratarsinnaasut piiannerit imaluunniit peratarsinnaasooq aserueq, peratarsinnaasumik annaasaqarnermut aamma akuerisaanngitsumik imaluunniit unioqqutitsisumik suliarinninnermut illersuineq ilaatillugu pineqartunut inunnut paasissutissanut naammattumik isumannaarinissamut qulakkeerisumik periaaseqarluni paasissutissat katersukkat passunneqassapput.

Imm. 8. qarasaasiamiittunik paasissutissanut akisussaasuusoq imm. 1-7 unioqqutinneqannginnerannut, tamatumalu takuneqarsinnaatinnissaanut akisussaavoq.

§ 5. Siullermik katersuinnermut tunngaviusunit, § 1, imm. 1-imi eqqaaneqartunit siunertanit allaanerusunut paasissutissanik kingusinnerusukkat suliarinninneq, suliarineqareersumut malitsigitillugu

siunertamut tamatumunnga naleqqiullugu pisariaqarpat aamma inatsimmik tunuliaqutaqarluni suliarinninneq suliarineqarpat, tassannga imaluunniit allamit oqartussa qarfimmit piginnaatitaasumit suliarineqarsinnaavoq.

Imm. 2. Aammattaaq imm. 1-i malillugu, inuiaqatigiit soqutigisaanni allagaataasivimmut, imaluunniit oqaluttuarisaanermut, naatsorsueqqissaanermut imaluunniit ilisimatuussutsikkut siunertalinnut paasissutissanik suliarinninneq suliarineqarsinnaavoq.

Imm. 3. Qarasaasiami paasissutissanut akisussaasuusup imm. 1-i aamma 2 unioqqutinneqannginnissat tamatumalu takutissinnaanissaa akisussaaffigaa.

§ 6. Paasissutissanik ingerlatitseqqiisoqarpat, paasissutissanik suliarinninnermut piumasaqaataasinnaasut immikkut ittut pillugit oqartussaasoqarfik piginnaatitaasoq ingerlatitseqqiisoq aalajangersaassaaq aammalu nalunaaruteqassalluni. EU-mi ilaasortaasumi nunami tiguisissamut ingerlatitseqqiineq pillugu pineqartup taamaallaat malitsigisaanik, piumasaqaatinik immikkut ittunik aalajangersaasoqarsinnaanngilaq.

Imm. 2. Oqartussaasoqarfimmit piginnaatitaasumit tiguisimasanik paasissutissanik suliarinninneq, oqartussaasoqarfimmit piginnaatitaasumit ingerlatitseqqiisumit aalajangersagaasunut piumasaqaatinut immikkut ittunut akerliusumik pissanngilaq.

§ 7. Qarasaasiami paasissutissanut akisussaasuusoq inunnut paasissutissanik suliarinninneq ima aaqqissuutissavaa, inunnut paasissutissanik piiaanissamut piffissaliussanik naleqquttunik, imaluunniit paasissutissanik toqqorsivimmut nuussuinissamik pisariaqartitsineq akuttoqatigiisumik misissuisarnissamik aalajangersaasassalluni. Aammattaaq piffissarititaasut unioqqutinneqannginnissaannut periaatsit eqqarsaatigalugit iliuusissatigut tamanna qulakkeerneqassaaq.

§ 8. Pisariaqarpat qarasaasiami paasissutissanut akisussaasuusoq, inunnut paasissutissat akornanni, nalunaarsugaasut pissusaannik assigiinngitsunik, periarfissaqartillugu sapinngisamik nalilersuisassaaq,

soorlu

- 1) inuit, pinerlunnermik eqqartuussinermut akisussaatitsinermik malitseqarsinnaasumik iliuuseqarsimasutut imaluunniit iliuuseqarniartut annertuumik pissutissaqarluni ilimagineqartut,
- 2) inuit, pinerlunnermik eqqartuussinermut akisussaatitsinermik malitseqarsinnaasumik iliuuseqarsimasutut eqqartuussaasimasut,
- 3) pinerlunnermik eqqartuussinermut akisussaatitsinermik malitseqarsinnaasumik iliuuseqarsimanermut eqqugaasut, imaluunniit inuit, pissutsit piviusut pissutaallutik, pinerlunnermik eqqartuussinermut akisussaatitsinermik malitseqarsinnaasumik iliuutsimut eqqugaasinnaasut, aamma
- 4) pinerlunnermik eqqartuussinermut akisussaatitsinermik malitseqarsinnaasumik iliuutsimut atatillugu peqataasut allat, soorlu inuit, nr. 1-imi aamma 2-mi eqqaaneqartunut inunnut ingerlaqataasut, imaluunniit attaveqaataasut inuit, imaluunniit pinerlunnermik eqqartuussinermut akisussaatitsinermik malitseqarsinnaasumik iliuutsit pillugit paasissutissanik saqqummiussisinnaasut inuit, iliuutsit taamaattut pillugit suliaasani tulluittuni, imaluunniit, pinerlunnermik eqqartuussinermut akisussaatitsinermik malitseqarsinnaasumik iliuutsinut atatillugu pinerluttoqarsimaneranik paasiniaanermit ilisimannittutut qaaqquneqarsinnaasut inuit.

§ 9. Ilaatillugu tamat isumannaatsuutinnissaannut siorasaarinernut pitsaaliuiniarluni imaluunniit illersuiniarluni, pinerluttulerinermi inatsit malillugu iliuusissanik naammassinninniarluni, imaluunniit, iliuutsinik pitsaaliuiniarluni, pinerluttoqarsimatillugu paasiniaaniarluni, qulaajaaniarluni imaluunniit eqqartuussisulersuussiniarluni suliarinninneq pisariaqarpat paasissutissanik suliarinninneq taamaallaat pisinnaavoq.

§ 10. Inuup kinguaassiornermut isummertaasia imaluunniit pissutsit inuup kinguaassiuutitigut atugai pillugit paasissutissat imaluunnit peqqissutsimut paasissutissaataanik paatsuugassaannigitsumik suussusersinissamut siunertaqarluni ammip qalipaataanik, siuaasat sumiuussusiinik, politikkikkut isuma pillugu, upperisamik imaluunniit

eqqarsaatersortarnermik isummiussineq pillugu, sulisartutut kattuffeqarneq pillugu, sananeqaatikkut, isikkorisamik paasissutissat pillugit inunnut paasissutissanik suliarinnittoqaqqusaannngilaq.

Imm. 2. Taamaattoq assut pisariaqartitsisoqarpat, aamma § 1, imm. 1-imi eqqaaneqartut siunertat eqqarsaatigalugit tamanna pippat, ilaatillugit taanna nalunaarsugaasoq imaluunniit inuup pingaartillugit soqutigisai illersorniarlugit, imaluunniit paasissutissat pillugit suliarinninneq erseqqilluinnartumik nalunaarsugaasumit tamanut saqqummiunneqarsimappat, inatsimmi matumani piumasaqaatinik naammassinniutigaluni, imm. 1-imut ilaatinneqartunik paasissutissanik suliarinninnermik suliaqartoqarsinnaavoq.

§ 11. Isumamineertumik suliarinninneq tunngavigalugu, ilaatillugu ilisarnaasersuinerimi, nalunaarsugaasumut ajortumik inatsisitigut sunniuteqartumik imaluunniit pineqartumut annertuumik sunniisumik aalajangiisoqartarsinnaavoq.

Imm. 2. Imm. 1-imut ilaatinneqartunik aalajangiinerni, ilaatillugu minnerpaamik qarasaasiami paasissutissanut akisussaasup tungaaniit inummik akuleruttoqarnissaanut nalunaarsugaasumut pisinnaatitaaffik, nalunaarsugaasup pisinnaatitaaffimmisut soqutigisaasa qulakkeerneqarnissaannut, iliuusissanik naleqquttunik ujaasisoqartassaaq.

§ 12. Matuminnga inatsimmik unioqqutitsinernik, nakkutilliinermik oqartussaasunut, allanut oqaatigeqqunngisamik nalunarnermik kajumissaarisunik periaatsinik sunniuteqarluartunik, Oqartussaasoqarfiit piginnaatitaasut atulersitsissapput.

Immikkoortoq III

Nalunaarsugaasut pisinnaatitaaffii

Kapitali 4

Nalunaarsugaasumut tunniunneqartussat imaluunniit atugassanngortinneqartussat paasissutissat

§ 13. Qarasaasiami paasissutissanut akisussaasup tulluuttut paasissutissat nalunaarsugaasumut atoriaannaatissavai:

- 1) Qarasaasiami paasissutissanut akisussaasup kinaassusaa aamma pissarsiarineqarsinnaaneranut paasissutissat.
- 2) Qarasaasiami paasissutissanut illersuineramik siunnersortip pissarsiarineqarsinnaaneranut paasissutissat aamma nalunaarsugaasumut naleqqiullugu taassuma suliasai pillugit paasissutissat.
- 3) Inunnut paasissutissat atorneqarnissaannut suliarinninnermut siunertaasoq.
- 4) Nakkutilliinnermut oqartussaasunut naammagittaalliornissamut pisinnaatitaaffik aamma nakkutilliinnermut oqartussaasut pissarsiarineqarsinnaaneranut paasissutissat.
- 5) Kapitali 5 aamma 6 malillugit nalunaarsugaasup pisinnaatitaaffii.
- 6) § 40, imm. 1-i, nr. 10 naapertorlugu kapitali manna aamma kapitali 5 aamma 6 malillugit ilanngussinnginneq, kinguartitsineq, killiliineq imaluunniit itigartitsineq pillugu oqartussaasut piginnaatitaasut aalajangiinerinut naleqqiullugu nalunaarsugaasup pisinnaatitaaffiinik nakkutilliinnermut oqartussaasut atuutsitsisinnissaannut pisinnaatitaaffik.

Imm. 2. Nalunaarsugaasup soqutigisaminik isumaginnissinnaanissaa pisariaqarpat, qarasaasiami paasissutissanut akisussaasup minnerpaamik nalunaarsugaasoq tulluuttut pillugit nalunaarfigissavaa:

- 1) Suliarinninnissamut inatsisitigut tunngaviusoq.
- 2) Inunnut paasissutissanik inisseeqqanissamut piffissaq, imaluunniit periarfissaqanngippat, piffissap tamatuma aalajangiunnissaanut atugassat piumasaqaatit.
- 3) Ilaatillugit nunat peqatigiit avataaniittuni imaluunniit nunani tamalaani kattuffinni, inunnut paasissutissanik tiguisussaasinnaasut immikkoortiterneri.
- 4) Pisariaqassappat, pingaartumik nalunaarsugaasup sianiginngisaanik inunnut paasissutissat katersorneqarpata, ilassutitut paasissutissat.

§ 14. § 13, imm. 2 malillugu nalunaarut, kinguartinneqarsinnaavoq,

killilerneqarsinnaavoq imaluunniit ilanngutinnginneqarsinnaalluni, paasissutissanik ilisimasaqalernissamut nalunaarsugaasup soqutigisai tunulliuinneqartariaqarpata makku pissutigalugit

- 1) pisortatigoortunik imaluunniit eqqartuussisutigut misissuinernut, pinerluttoqarsimatillugu misissueqqissaarnut imaluunniit suleriaatsinut akornusersuisoqarsinnaanera pinngitsoortinniarlugu,
- 2) pinerluttulerinermi inatsit malillugu iliuusissanik naammassinninnissap imaluunniit pinerlunnermik inatsisitigut akisussaataitanermik malitseqarsinnaasunik iliuutsinik eqqartuussisulersuussinerup imaluunniit pitsaaliuinerup, qulaajaanerup, pinerluttoqarsimatillugu misissueqqissaarnerup ajoquserneqarsinnaanera pinngitsoortinniarlugu,
- 3) tamat isumannaatsuutinissaat illersorniarlugu,
- 4) naalagaaffiup isumannaatsuutinissaa illersorniarlugu imaluunniit
- 5) nalunaarsugaasup imaluunniit allat pisinnaatitaaffii illersorniarlugit.

Imm. 2. Suliarinninnermik immikkoortitikkat sorliit imm. 1-imut ilaatinneqarneri, aamma, imm. 1-imi eqqarsaatigisassat pillugit nalinginnaasumik nalunaarnerit kinguartitsinermik taamaattumik nalaataqartarnissaannik tamanna kinguneqassasoq ilimagineqarpat, § 13, imm. 2 malillugu nalunaarnerup piffissamut tulluarnerusumut kinguartinneqarsinnaanera pillugu, maleruagassanik sukumiinerusunik Justitsminister-i aalajangersaassaaq.

Kapitali 5

Nalunaarsugaasup paasisimasaqarnissamik pisinnaatitaaffia

§ 15. Tamanna pillugu nalunaarsugaasoq qinnuteqaammik saqqummiussippat, qarasaasiami paasissutissanut akisussaasuusoq pineqartumut taanna pillugu paasissutissanik suliarinninsoqarnera pillugu uppernarsaassaaq.

Imm. 2. Pineqartoq pillugu paasissutissanik suliarinninsoqarpat, paasissutissanik misissuisinnaatitaassaaq kiisalu tulluuttunik paasissutissalerlugu nalunaarfigineqassalluni:

- 1) Suliarinninnermut siunertaasut aamma inatsisitigut tunngavigineqartut.

- 2) Inunnut paasissutissat misissuiffigineqartut immikkoortiteri.
- 3) Ilaatillugit pingaartumik, nunat peqatigiit avataaniittuni imaluunniit nunani tamalaani tiguisussat, inunnut paasissutissanik ingerlatitseqqiivigineqarsimasut tiguisussat imaluunniit tiguisussat immikkoortiteri.
- 4) Periarfissaqarpas, inunnut paasissutissat paaqqutarineqarfissaat taanna piffissaq eqqarsaatigineqartoq, imaluunniit, periarfissaqanngippas, tamatuma piffissap aalajangersarnissaanut atorineqartussat taakku piumasaqaatit.
- 5) Inunnut paasissutissanik iluarseeqqusinnermut imaluunniit piiannissamut qarasaasiami paasissutissanut akisussaasumut qinnuteqarnissamut imaluunniit nalunaarsugaasoq pillugu suliarinninnermik killiliinissamut pisinnaatitaaffik.
- 6) Naammagittaalliummik nakkutilliinnermik oqartussaasumut aamma nakkutilliinnermik oqartussaasup pissarsiarinissaanut paasissutissanik tunniussisinnaatitaaneq.
- 7) Inunnut paasissutissat sorliit suliarinninnermut ilaatinneqarnersut, aamma paasissutissat pissarsiarineqarsinnaasut suulluunniit sumit pinersut.

§ 16. Nalunaarsugaasup paasissutissanik ilisimasaqalernissamik soqutigisai, § 14, imm. 1-imi eqqaaneqartut tamat soqutigisaasa eqqarsaatigineqarnerannut tunulliunneqartariaqarpata, § 15 malillugu takunnissinnaaneq, kinguartinneqarsinnaavoq, killilernerqarsinnaavoq imaluunniit itigartitsissutigineqarsinnaalluni.

Imm. 2. Nalunaarsugaasup takunnissinnaanerata kinguartinneqarnissaa, killilernerqarnissaa imaluunniit itigartitsissutigineqarnissaa pillugu aalajangiineq, nalunaarsugaasumut allaganngorlugu nalunaarutigineqassaaq, pissutigineqartunik aamma naammagittaalliornissamut ilitersuummik ilaqartinneqassallunilu. Aammattaaq aalajangiineq § 40, imm. 1, nr. 10 naapertorlugu nalunaarsugaasup pisinnaatitaaffinik oqartussaasut piginnaatitaasut atuutsinnissaannut nalunaarsugaasup piginnaatitaaffii pillugit paasissutissanik imaqaasaaq.

Imm. 3. Siunertat imm 1-imi eqqaaneqartut eqqarsaatigalugit, nalunaarsugaasoq imm. 2 malillugu nalunaarfiginninnermut taarsiullugu, pineqartoq pillugu paasissutissanik paassussisoqarnera pillugu paasissutissiissutigineqarsinnaannginnera pillugu nalunaarfigineqarsinnaavoq. § 40, imm. 1, nr. 10 naapertorlugu nalunaarut taamaattoq naammagittaalliornissamut ilitersuummik aamma nakkutilliinermik oqartussaasup nalunaarsugaasup piginnaatitaaffiunik atuutsitsinissaanut nalunaarsugaasup piginnaatitaaffii pillugit paasissutissanik imaqassaaq.

Imm. 4. Ilaatillugit takunnissinnaaneq pillugu qinnuteqaammik imm. 1-imi eqqarsaatigisassat pillugit nalinginnaasumik itigartitsisinnaanermik malitseqarnissaata ilimagineqarnissaa, § 15-i malillugu paasissutissanik pinissamut eqqartuussivimmiit ilaatitsinngissutit pillugit, suliarinninnermik immikkoortitikkat sorliit imm. 1-imut ilaatinneqarneri pillugit maleruagassanik sukumiinerusunik Justitsministeri aalajangersaassaaq.

Kapitali 6

Suliarinninnerup iluarsinissaanut, piiarnissaanut aamma killilernissaanut pisinnaatitaaffik

§ 17. Paasissutissat eqqunngitsuunerinik paasinarsisut, nalunaarsugaasup qinnuteqarnera malillugu qarasaasiami paasissutissanut akisussaasuusup pisariaqanngitsumik kinguarsarnagu iluarsissavai. Taamatuttaaq suliarinninnerup siunertaa ulorianartorsiortinnagu pisinnaappat, paasissutissat ilivitsuunngitsut ilivitsunngortinneqassapput. Inunnut paasissutissat eqqunngitsut iluarsineqarneri, paasissutissat eqqunngitsut takkuffigisaannut oqartussaasunut piginnaatitaasunut qarasaasiami paasissutissanut akisussaasup nalunaarutigissavai.

Imm. 2. nalunaarsugaasup qinnuteqarnera malillugu qarasaasiami paasissutissanut akisussaasuusup pisariaqanngitsumik kinguarsarnagu qarasaasiami paasissutissanut akisussaasup, kapitali 3-mut akerliusumik passunneqarsimasut, imaluunniit qarasaasiami paasissutissanut akisussaasuusup inissisimaffigisaata, inatsisitigut pisussaaffiup unioqqutinnginnissaanut piumasaqaataappat paasissutissat piiassavai.

Imm. 3. inunnut paasissutissat piiarnerinut taarsiullugu qarasaasiami

paasissutissanut akisussaasuusup suliarinninneq killilissavaa, imaattuni

- 1) Inunnut paasissutissat eqqorneri nalunaarsugaasumit assortorneqarpat aamma eqqornerisut eqqunnginnersulluunniit paasineqarsinnaanngippat imaluunniit
- 2) Inunnut paasissutissat uppersaatitut pigiinnerneqassappata.

Imm. 4. Imm. 3, nr. 1-imut naleqqiullugu suliarinninneq killeqarpat, suliarinninnerup killilernerqarnerata atorunnaarsinneqarnera sioqqullugu qarasaasiami paasissutissanut akisussaasuusup nalunaarsugaasoq tamatuminnnga nalunaarfigissavaa.

Imm. 5. Suliarinninnerup iluarsineqarnissaa, piiarneqarnissaa imaluunniit killilernerqarnissaa pillugu qinnuteqaammut itigartitsineq, nalunaarsugaasumut allaganngorlugu nalunaarutigineqassaaq aammalu pissutigineqartunik aamma naammagittaalliornissamut ilitsersuummik ilaqartinneqassalluni. Aammattaaq § 40, imm. 1, nr. 10 naapertorlugu nalunaarsugaasup pisinnaatitaaffinik oqartussaasut piginnaatitaasut atuutsitsinissaannut nalunaarsugaasup pisinnaatitaaffii pillugit paasissutissanik aalajangiineq imaqassaaq. § 16, imm. 3-mi aalajangersagaq taamatuttaaq atuuppoq.

Imm. 6. qarasaasiami paasissutissanut akisussaasuusup inunnut paasissutissanik suliarinninnerup iluarsineqarsimanera, piiarneqarsimanera imaluunniit killilernerqarsimanera pillugu tiguisussat nalunaarfigissavai. Akisussaaffigisamittut, tiguisussat inunnut paasissutissat iluarsissavaat imaluunniit piiassavaat imaluunniit inunnut paasissutissanik suliarinninneq killilersussavaat.

Kapitali 7

Aalajangersakkat nalinginnaasut

§ 18. Immikkoortumi matumani eqqaaneqartut paasissutissat aamma nalunaarutit, naatsunngorlugit, paasiuminartuutillugit aamma pissarsiariuminartuutillugit aammalu erseqqissunik piuminartunillu oqaasertaqartillugit atugassiissutigineqassapput imaluunniit akeqanngitsumik tunniunneqassallutik.

Imm. 2. Immikkoortumi matumani eqqaaneqartut, qarasaasiami

paasissutissanut akisussaasuusup qinnuteqaatit piaartumik aamma allaganngorlugit akissavai. Qinnuteqaatit tiguneqarnerisa kingorna sapaatit akunneri sisamanngortinnagit akineqarsimanngippata, qarasaasiami paasissutissanut akisussaasuusup, tamatumunnga pissutaasut kiisalu qinnuteqaatip qaqugu akineqarnissaata naatsorsuutigineqarnera pillugit pineqartoq ilisimatissavaa.

Imm. 3. (Kalaallit Nunaannut atuutilersinneqassanngilaq)

Imm. 4. Ilaatillugit ingerlatsinikkut aalajangiinerit aqutsisoqarfimmut allamut naammagittaalliutigineqarsinnaassannginneri, naammagittaalliutit passunneqarneri pillugit aamma immikkoortoq manna malillugu qinnuteqaatit passunneqarneri pillugit aalajangersakkanik sukumiinerusunik Justitsminister-i aalajangersaassaaq.

§ 19. Qarasaasiami paasissutissanut akusussaasuusup, matumani immikkoortumi aalajangersakkat naapertorlugit saqqummiunneqartut, ingasaassisumik saqqummiuteqqittaattaakkat imaluunniit ersiinnartumik pissutissaqanngitsut qinnuteqaatit itigartissinnaavai.

Immikkoortoq IV

Qarasaasiami paasissutissanut akisussaasuusumut aamma qarasaasiami paasissutissanik suliarinnittartumut pisussaaffiit

Kapitali 8

Qarasaasiami paasissutissanut akisussaasuusumut pisussaaffiit

§ 20. Suliarinninneq matumunnga inatsimmut naapertuuttoq takutissinnaajumallugu aamma qulakkeerniarlugu qarasaasiami paasissutissanut akisussaasuusup naammassissavai aamma pisariaqassappat malinnaalersitsinissamut ilassutit ilanngussuutissavai aamma pisariaqartut teknikkikkut aamma aaqqissuussinertigut iliuusissat kukkunersiussallugit. Suliarinninnermut sulianut naapertuuppat, qarasaasiami paasissutissanut akisussaasuusup aammattaaq qarasaasiami paasissutissanut illersuinermut politikkit pisariaqartut naammassissavai.

Imm. 2. Imm. 1-i malillugu iliuusissat, qarasaasiamik ilusilersuinikkut

aamma nalinginnaasumik inissitsiterisarnikkut qarasaasiami paasissutissanut illersuinnermik ilaqarput.

§ 21. Qarasaasiami paasissutissanut akisussaasut marluk amerlanerilluunniit peqatigiillutik suliarinninnermut siunertat aamma ikiuutit aalajangersarpatigit, qarasaasiami paasissutissanut akisussaasuusutut peqatigiittutut isigineqassapput. Qarasaasiami paasissutissanut akisussaasuusut peqatigiit, inatsimmut naapertuuttumik suliarinninnermut, ilaatillugu pingaartumik immikkoortoq III malillugu nalunaarsugaasup pisinnaatitaaffiitut naleqqiullugu, akisussaaffimmik agguataarinissamut aaqqissuussineq aalajangersassavaat. Peqatigiilluni attaveqaataasussamik toqqaanermik aaqqissuussineq ilaqassaaq. Pisinnaatitaaffimminnik atuinnermi, nalunaarsugaasunut peqatigiittut attaveqaataasussatut atuuttussamik immikkut attaveqartarfirmik toqqaasoqarsinnaavoq.

Kapitali 9

Qarasaasiami paasissutissanik suliarinnittartumut il.il. pisussaaffiit.

§ 22. Qarasaasiami paasissutissanut akisussaasuusup, paasissutissanik suliarinninneq, qarasaasiami paasissutissanik suliarinnittartumut tunniukkuniuk, §§ 20-imi aamma 24-imi eqqaaneqartut teknikkikkut aamma aaqqissuussinikkut isumannaallisaanermik iliuusissat qarasaasiami paasissutissanik suliarinnittartup isumagisinnaagai, qarasaasiami paasissutissanut akisussaasuusup qulakkiissavaa, tamatumalu pitinneqarnera isumagissallugu.

Imm. 2. Inatsit naapertorlugu imaluunniit qarasaasiami paasissutissanik suliarinnittartup aamma qarasaasiami paasissutissanut akisussaasuusup akornanni allakkatigit isumaqatigiissuteqarnikkut, qarasaasiami paasissutissanik suliarinnittartumit suliarinninnerup naammassineqarnera pissaaq. Suliarinninnermut, suliarinninnerup suussusaanut aammaa siunertaanut, inunnut paasissutissat suunerinut aamma nalunaarsugaasut immikkoortiterinut kiisalu qarasaasiami paasissutissanut akisussaasuusup pisussaaffii aamma pisinnaatitaaffiitut pissutaasoq aamma

sivisussusaasoq inatsimmik imaluunniit isumaqatigiisummik aalajangersarneqassaaq. Pingaartumik ersarissaaq, qarasaasiami paasissutissanik suliarinnittartaq

- 1) qarasaasiami paasissutissanut akisussaasuusup peqqussutai malillugit taamaallaat suliaqassasoq,
- 2) inuit, inunnut paasissutissanik suliarinninnissamut akuersissutaateqartut, tatigeqatigiinnissamut pisussaaffilersimassasut imaluunniit inatsisitigut nipangiussisussaanermut naleqquttumut inissisimaffeqassasut qulakkiissavai,
- 3) nalunaarsugaasup pisinnaatitaaffii pillugit aalajangersakkat unioqqutinneqannginnissaannut qulakkeeriniarneranik sutigut tamatigut pissusissamisoortumik qarasaasiami paasissutissanut akisussaasuusoq ikiussavaa,
- 4) inunnut paasissutissanik paaqqussinissamik inatsisini allani allassimasoqanngippat, suliarinninneq pillugu kiffartuussinerup naammassereernerata kingorna, qarasaasiami paasissutissanut akisussaasuusup toqqaanera malillugu inunnut paasissutissat (suliarinnittup) piiassavai imaluunniit qarasaasiami paasissutissanut akisussaasuusumut utertissallugit,
- 5) aalajangersakkamik matuminnga unioqqutitsinnginneq takutinniarlugu pisariaqartut paasissutissat tamaasa qarasaasiami paasissutissanut akisussaasuusumut sassaalliutigissavai aamma
- 6) qarasaasiami paasissutissanut suliarinninssummik allamik atuinissaq siunertarlugu nr. 1-5-imut aamma imm. 3-mi piumasaqaatit eqquutitissavai.

Imm. 3. Qarasaasiami paasissutissanik suliarinnittartup suliarinninnermik qarasaasiami paasissutissanik suliarinnittartumut allamut tunniussinera, qarasaasiami paasissutissanut akisussaasuusumik nalinginnaasumik imaluunniit immikkut ittumik allakkiatut isumaqatigiissuteqarneq naapertorlugu pissaaq. Isumaqatigiissut nalinginnaasoq naapertorlugu tunniussineq pippat, qarasaasiami paasissutissanik suliarinnittartup tamanna pillugu kingusinnerpaamik ullunik 14-inik tunniussineq sioqqullugu qarasaasiami paasissutissanut

akisussaasuusooq ilisimatissavaa.

Imm. 4. Kinaluunniit, qarasaasiami paasissutissanut akisussaasuusumik imaluunniit qarasaasiami paasissutissanik suliarinnittartumik sullissisoq, aammalu inunnt paasissutissanik pissarsisinnaasoq, pineqartup suliarinninneq suliarissagaa, inatsimmi allami allassimanngippat, taamaallaat qarasaasiami paasissutissanut akisussaasuusumiit peqqussutit malillugit paasissutissanik tamakkuninnga suliarinninsinnaavoq.

Kapitali 10

Suliarinninnermut aamma nalunaarsuinnermut nalunaarsorneqarfii

§ 23. Qarasaasiami paasissutissanut akisussaasuusup akisussaaffiata ataaniittut suliarinninnermik sulianik immikkoortut tamaasa allakkiaatut qarasaasiami paasissutissanut akisussaasuusup nalunaarsussavai. Nalunaarsuineq makku pillugit imaqaasaaq

- 1) qarasaasiami paasissutissanut akisussaasuusumut ateq aamma attaviginninnermut paasissutissat aamma, pisariaqassappat, peqatigalugu qarasaasiami paasissutissanut akisussaaqataasumut aamma qarasaasiami paasissutissanik illersuinnermut siunnersortimut aqqit attaviginninnermullu paasissutissat,
- 2) suliarinninnermut siunertaasut,
- 3) nunat peqatigiit avataanniittuni imaluunniit nunani tamalaani kattuffinni tiguisussat ilaatillugit, inunnt paasissutissat ingerlatitseqqiivigineqarfii imaluunniit ingerlatitseqqiivigineqarfissaat tiguisussat immikkoortiterneri,
- 4) nalunaarsugaasut immikkoortiternerisa aamma inunnt paasissutissat immikkoortiternerisa nassuiaataat,
- 5) pisariaqartitsiviusuni ilisarnaasersuinnermik atuineq,
- 6) pisariaqartitsiviusuni nunat peqatigiit avataanniittunut imaluunniit nunani tamalaani kattuffinnut inunnt paasissutissanik nuussuinerit immikkoortiterneri,
- 7) inunnt paasissutissat nuunneqarfissaannut nuussinerit ilaatillugit, suliarinninnermut sulinnermut inatsisitigut tunngaviusoq,
- 8) periarfissaqarpat, inunnt paasissutissat immikkoortiternerisa

assigiinngitsut piiarnissaannut piffissaliussassatut
naatsorsuutigineqartut, aamma

- 9) periarfissaqarpat, § 27-imi sammineqartut teknikkikkut aamma
aaqqissuussinikkut isumannaallisaanermut- iliuusissanut
nalinginnaasumik nassuiaatit.

Imm. 2. Qarasaasiami paasissutissanut akisussaasoq sinnerlugu
suliarineqartunik, suliarinninnermik suliat immikkoortiterinerinik tamanik
allakkianngorlugit qarasaasiami paasissutissanik suliarinnittartoq
nalunaarsuissaaq. Nalunaarsuutit makku pillugit imaqassapput.

- 1) Qarasaasiami paasissutissanut akisussaasumik sullissisumut
qarasaasiami paasissutissanik suliarinnittartumut imaluunniit
sullissisunut qarasaasiami paasissutissanik suliarinnittartunut,
aamma, pisariaqarfiini, qarasaasiami paasissutissat
illersorneqarnissaannut siunnersortimut attaviginninnissamut
paasissutissat aamma ateq,
- 2) qarasaasiami paasissutissanut akisussaasuusooq sinnerlugu
suliarineqartoq, suliarinninnermik immikkoortiterineri,
- 3) taassuma nunat peqatigiit avataaniittup nunap imaluunniit taassuma
nunani tamalaani kattuffiup nalunaarneqarnera ilaatillugu, tamanna
pillugu erseqqilluinnartumik qarasaasiami paasissutissanut
akisussaasuusup peqqussutigereerpagu, pisariaqarfiini, nunat
peqatigiit avataaniittumut nunamut imaluunniit nunani tamalaani
kattuffimmut inunnut paasissutissanik nuussinerit, aamma
- 4) periarfissaqarpat, § 27-imi sammineqartut teknikkikkut aamma
aaqqissuussinikkut isumannaallisaanermut- iliuusissanut
nalinginnaasumik nassuiaatit.

§ 24. Qarasaasiami paasissutissanik suliarinninnermut aaqqissuussani
isumamineertuni katersuinernik, allannguinerinik, ujarlernerinik,
ingerlatitseqqiinerinik, ilaatillugit nuussuinerinik, ingerlaqatigiissitsinerinik
aamma piaanernik nalunaarsuinerit suliarineqartarput.

Imm. 2. Qarasaasiami paasissutissanik suliarinninnermut
aaqqissuussat sorliit 1. januar 2023 sioqqullugu atuutilersitat, imm. 1-imut
ilaatinneqarneri pillugit maleruagassanik sukumiinerusunik Justitsminister-

i aalajangersaassaaq.

Kapitali 11

Nakkutilliinermut oqartussaasut tusarniaavigineqarnerat aamma kingunerusussanik misissuinerit

§ 25. Passusseriaaseq aalajangersimasoq, pingaartumik teknologiimik nutaamik atuinikkut aammalu pissutsini, annertussutsini, ataqatigiinnini aammalu siunertani malillugit, inuit pisinnaatitaaffinik annertuumik navianaammik qularnanngitsumik nassataqassappat, qarasaasiami paasissutissanut akisussaasuusooq suliarinninneq sioqqullugu inunnut paasissutissanik illersuinerit eqqarsaatigineqartut suliarinninnermik suliat kingunerinik misissuinnermik suliaqaqaassaaq.

Imm. 2. Nalunaarsugaasut aamma inuit allat attuumassuteqarfigineqartut piginnaatitaaffii aamma inatsisitigut soqutigisaat eqqarsaatigiitigalugit, inunnut paasissutissanik illersuinnermik qulakkeerisussanik aamma inatsimmik matuminnga eqqortitsinnermik ersersitsisussanik, navianaatinut, qularnaveeqqutinut, isumannaallisaatitut iliuusissanut aamma periaatsinut upalungaarsaatitut eqqarsaatigineqartunik iliuusissanik, nalunaarsugaasut pisinnaatitaaffiitut navianaatinik naliliinnermik, suliarinninnermik sulianut pilersaarutigineqartunut nassuiaammik nalinginnaasumik misissuineq imaqassaaq.

§ 26. Nalunaarsuiviup nutaap, pilersinneqartussap, ilaatut inissisimasussat inunnut paasissutissat passunnissat sioqqullugu qarasaasiami paasissutissanut akisussaasuusup imaluunniit qarasaasiami paasissutissanik suliarinnittartup, nakkutilliinnermik oqartussaasoq tusarniaavigissavaa, imaattuni

- 1) § 25 naapertorlugu qarasaasiami paasissutissat illersorneqarnerat pillugu kingunerisinnaasat misissoqqissaarneqarnerat, qarasaasiami paasissutissanut akisussaasuusup aalajangiinnerani navianaat killilersimaarniarlugu iliuusissat amigarpata suliarinninneq navianaammik annertuumik kinguneqarumaartoq ersersitsippat, imaluunniit

- 2) suliarinninneq taamaattoq, pingaartumik teknologiinik, periaatsinik imaluunniit suleriaatsinik nutaanik atuinermi, nalunaarsugaasut pisinnaatitaaffiit annertuumik navianaammik kinguneqarpat.

Imm. 2. Nakkutilliinermut oqartussaasoq isumaqarpat pilersaarutigineqartoq suliarinninneq inatsimmik unioqqutitsissasoq, ilaatillugu pingaartumik qarasaasiami paasissutissanut akisussaasuusup navianaat naammattumik paasisimangippagu imaluunniit killilersimangippagu, nakkutilliinermut oqartussaasup, tusarniaanissaq pillugu qinnuteqaatip tigunerata kingorna sapaatit akunneri arfinillit tikillugit piffissap iluani, qarasaasiami paasissutissanut akisussaasuusoq aamma, pisariaqarfiini, qarasaasiami paasissutissanik suliarinnittartoq allaganngorlugu siunnersussavaa. Kapitali 20 naapertorlugu tamatumunnga atatillugu piginnaatitaaffini suulluunniit nakkutilliinermut oqartussaasup atorsinnaavai. Taassuma suliarinninnissap eqqarsaatigineqartup annertuumik katitigaanera eqqarsaatigalugu, piffissaq tamanna qaammammik ataatsimik sivitsorneqarsinnaavoq. Tusarniaaneq pillugu qinnuteqaatip tigunerata kingusinnerpaamik qaammatip ataatsip kingorna sivitsuineq taamaattoq sunaluunniit, tamatumunngalu peqatigitillugu kinguaattornermut peqqutaasoq pillugit nakkutilliinermut oqartussaasup qarasaasiami paasissutissanut akisussaasuusoq aamma, pisariaqarfiini, qarasaasiami paasissutissanik suliarinnittartoq ilisimatissavai.

Imm. 3. Nakkutilliinermut oqartussaasut, imm. 1-i naapertorlugu tusarniaatigineqaaqqaartussat suliarinninnermut suliassat pillugit tullerriaarniliamik allattuissapput.

Immikkoortoq V

Inunnut paasissutissanik isumannaallisaaneq

Kapitali 12

Suliarinninnermut isumannaallisaaneq

§ 27. Qarasaasiami paasissutissanut akisussaasuusoq aamma qarasaasiami paasissutissanik suliarinnittartoq, pisut teknikkikkut qaffasissutsit, isummamik piviusunngortitsinermut aningaasartuutit aamma

suliarinninnerup pissusaa, ataqatigiinnera aamma siunertaa aamma navianaatit assigiinngisitaartumik ilimanaataat aamma inuit pisinnaatitaaffiit ilungersunartut eqqarsaatigiitigalugit, navianaatinut tamakkununga naleqquttunik, pingaartumik § 10-mut ilaatinneqartunik inunnut paasissutissat immikkoortiterneri immikkut ittut passunneri eqqarsaatigalugit, isumannaallisaanermut qaffasissuseq qulakkeerniarlugu teknikkikkut aamma aaqqissuussinikkut iliuusissanik naleqquttunik suliaqassapput.

Imm. 2. Isumamineertumik paassussineq eqqarsaatigalugu, qarasaasiami paasissutissanut akisussaasuusoq imaluunniit qarasaasiami paasissutissanik suliarinnittartoq, navianaatinut naliliineq tunngavigalugu iliuusissanik suliaqassaaq makkuninnga qulakkeerinissamut,

- 1) inuit allagartaqanngitsut, suliarinninnermut atorneqartartunut, suliarinninnermut atortunut, appakaassinnaaqunagit (atortunut appakaassinnaanermut nakkutilliineq),
- 2) akuersissutaateqarani qarasaasiami paasissutissanut toqqorterivinnik assigiinngitsunik (datamedienik) atuaanissamut, assiliiortornissamut (kopeerinissamut), allannguinnissamut imaluunniit piiaanissamut pitsaaliuineq (qarasaasiami paasissutissanut toqqorterivinnik assigiinngitsunik (datamedienik) nakkutilliineq),
- 3) inunnut paasissutissanik atuaanissamut allagartaqanngitsunit immiussinermik imaluunniit inunnut paasissutissanik toqqortanik allagartaqarani atuaanermik, allannguinnermik imaluunniit piiaanermik pisoqaqqunagu (toqqortaatinik nakkutiginninneq),
- 4) qarasaasiami paasissutissanik attaveqatigiinnermut atortunik atortoqarluni akuersissutaateqanngitsunit isumamineertumik suliarinninnermut aaqqissuussat atorneqarsinnaaqunagit (atuisunik nakkutilliineq),
- 5) isumamineertunik suliarinninnermik aaqqissuussanik atuisinnaanermut inuit piginnaatitaassutaatillit appakaannissaminnut akuersissutaatiminnut ilaatinneqartunut taamaallaat inunnut paasissutissanut appakaassinnaatitsineq (qarasaasiami paasissutissanut appakaassinnaanermik nakkutilliineq),
- 6) qarasaasiami paasissutissanut attaveqatigiissutit atorlugit

aallakaatitsivigineqarsimasut imaluunniit paasissutissanik
 atuisinnaatinnegarsimasut imaluunniit
 aallakaatitsivigineqarsinnaasut imaluunniit
 atuisinnaatinnegarsinnaasut nakkutigineqarsinnaanngorlugit aamma
 tiguisut kikkussusersisinnaanngorlugit (attaveqaqatiginnermik
 nakkutilliineq),

- 7) malittuanik, inunnut paasissutissat sorliit isumamineerluni
 suliarinninnermut aaqqissuussanut immiunneqarsimasut, aamma
 qanga aamma kimit inunnut paasissutissat immiunneqarsimasut
 misissorneqarsinnaanngorlugu aamma
 aalajangiunneqarsinnaanngorlugu (immiussinnermik nakkutilliineq),
- 8) qarasaasiami paasissutissanik toqqorsiviit (datamediet)
 angallannerannut imaluunniit tamakkua nuussorneqarnerannut
 atatillugu inunnut paasissutissanik atuaaneq, kopeerineq,
 allanguineq imaluunniit piiaaneq peqqunagu (angallassinermik
 nakkutilliineq),
- 9) aaqqissuussat atorneqartut teknikkikkut ajutoortoqartillugu
 pilerseqqinneqarsinnaaqqullugit (pilerseqqiineq) aamma
- 10) aaqqissuussap atuunnera, kukkunerit pilersut
 nalunaarutigineqartarneri (tatiginassuseq), aamma inunnut
 paasissutissat toqqortaatigineqartut kukkunernik pilersoqarnerani
 ajoquserneqannginnissat (isornaassuseq).

Imm. 3. Inunnut paasissutissat sukumiinerusumik aalajangersimasuni
 qarasaasialerinnermik aaqqissuussani passunneqartut, aammalu pisortat
 aqutsisoqarfiini ingerlatarinerineqartut, tamakkiisumik imaluunniit
 ilaannakortumik taamaallaat Kalaallit Nunaanni inissisimatinneqarnissat
 pillugu maleruagassanik, ministeri pineqartoq
 isumaqatigiinniaqatigereerlugu Justitsministeri aalajangersaasinnaavoq.

Imm. 4. Imm. 1-mi aamma 2-mi eqqaaneqartut iliuusissat pillugit
 maleruagassanik sukumiinerusunik Justitsminister-i aalajangersaassaaq.

Kapitali 13

Qarasaasiami paasissutissanik isumannaallisaanermi ajutoorneq

§ 28. Inunnut paasissutissanik isumannaallisaanermi ajutoortoqartillugu, imaanngippat inuit pisinnaatitaaffiit navianaammik nassataqassasoq, ilimanangitsoq, pisariaqanngitsumik kinguarsagaanngitsumik aammalu ajornanngippat, kingusinnerpaamik akunnerit 72-it qarasaasiami paasissutissanut akisussaasuusup ajutoornermik ilisimasaqalernerata kingorna, qarasaasiami paasissutissanut akisussaasuusup nakkutilliinermik oqartussaasunut ajutoorneq nalunaarutigissavaa. Akunnernik 72-inik piffissarititaasup qaangerneqarnera tunngavilersagaassaaq.

Imm. 2. Inunnut paasissutissanik isumannaallisaanermi ajutoorneq pillugu pisariaqanngitsumik kinguarsarnagu qarasaasiami paasissutissanik suliarinnittartup qarasaasiami paasissutissanut akisussaasuusup nalunaarfigissavaa.

Imm. 3. Imm. 1-i malillugu nalunaarummi

- 1) inunnut paasissutissanik isumannaallisaanermi ajutoornerup pissusaa, ilaatillugit sapinngisamik inunnut paasissutissat immikkoortiternerisa aamma nalunaarsoriigaasut attorneqartut amerlassusaat aamma nalunaarsorneqartut attorneqartut amerlassusaat nassuiarneqassaaq,
- 2) qarasaasiami paasissutissat illersorneqarnerannut siunnersorti imaluunniit attavissaq alla, ilassutitut paasissutissanik aallerfigineqarsinnaasoq pillugu attaviginninnissamut paasissutissat aamma ateq allassimassapput,
- 3) inunnut paasissutissanik isumannaallisaanermi ajutoornerup kingunerisinnaasai nassuiarneqassapput aamma
- 4) Inunnut paasissutissanik isumannaallisaanermik ajutoorneq suliariniarlugu qarasaasiami paasissutissanut akisussaasuusup aalajangigai imaluunniit aalangiutissallugit siunnersuutigisai, pisariaqassappallu, ajutoornerup ajoqusiinerisinnaasaanik killiliisimaarniarnermut iliuusissat ilaatillugit, iliuusissat nassuiarneqassapput.

Imm. 4. Imm. 3-mi eqqaaneqartut paasissutissat kattusimatillugit nakkutilliinermut oqartussaasunut saqqummiunnissaat periarfissaqanngippat, pisariaqanngitsumik kinguarsarnertaqanngitsumik

immikkoortukkuutaarlugit paasissutissat nalunaarutigineqassapput.

Imm. 5. Imm. 1-imut ilaatinneqartut, ilaatillugit ajutoornermi pissutsit piviusut, ajutoornerup sunniutai aammalu ikiutissatut iliuusissat aalajangerneqarsimasut, inunnut paasissutissanik isumannaallisaanermik ajutoornerit tamaasa allagannguilluni qarasaasiami paasissutissanut akisussaasuusup uppersaasarsussavai.

Imm. 6. Inunnut paasissutissanik isumannaallisaanermik ajutoornermi, EU-mi nunanut ilaasortaasumi naalagaaffimmi qarasaasiami paasissutissanut akisussaasumut paasissutissat nassiussuunneqarsimasut pineqarpata, imm. 3-mi eqqaaneqartut paasissutissat pisariaqanngitsumik kinguarsarnertaqanngitsumik EU-mi nunanut ilaasortaasumi naalagaaffimmi tassunga qarasaasiami paasissutissanut akisussaasumut nalunaarutigineqassapput.

§ 29. Inuit pisinnaatitaaffinik annertuumik navianartorsiortitsinermik nassataqassagunartumik, inunnut paasissutissanik isumannaallisaanermik ajutoornermi, qarasaasiami paasissutissanut akisussaasup pisariaqanngitsumik kinguarsarnertaqanngitsumik ajutoorneq pillugu nalunaarsugaasoq nalunaarfigissavaa.

Imm. 2. Nalunaarnermi erseqqissumik paasiuminartumillu oqaasertalimmik ajutoornerup pissussaa nassuiarneqassaaq aammalu § 28, imm. 3, nr. 2-4 eqqaaneqartut paasissutissat imarissallugit.

Imm. 3. Imm. 1-imi aalajangersakkat atuutissanngillat, imaattoqartillugu

- 1) qarasaasiami paasissutissanut akisussaasoq teknikkikkut aamma aqqissuussinikkut naleqquttunik illersuinerminik iliuusissanik suliaqarsimappat aamma tamakkua iliuusissat, inunnut paasissutissanik isumannaallisaanermik ajutoornermi attugaasimasunut inunnut paasissutissanut, ilaatillugit pingaartumik assersuutigalugu paasiuminaallisagaanertik pissutigalugu, appakaannissamut allagartaqanngitsunut inunnut paasissutissanut kimulluunniit paasisassaajunnaarsitsisut iliuusissat atorneqarsimappata,
- 2) imm. 1-imi sammineqartutut nalunaarsugaasut pisinnaatitaaffiitut tamanna annertuumik navianaatip atuunnerata

ilimanaataarukunarneranik qulakkeerisunik malitsigisaanik
qarasaasiami paasissutissanut akisussaasoq iliuusissanik
aalajangersaasimappat, imaluunniit

- 3) qarasaasiami paasissutissanut akisussaasumut naleqqutinngitsumik
annertuumik suliaakkiissappat.

Imm. 4. Imm. 3, nr. 3-mi eqqaaneqartumi pisuni, taarsiullugu tamanut
nalunaaruteqartoqassaaq imaluunniit assingusumik iliuuseqartoqassaaq,
taamaalilluni nalunaarsugaasut assingusumik qularnaatsumik
ilisimatinneqassallutik.

Imm. 5. Qarasaasiami paasissutissanut akisussaasup inunnut
paasissutissanik isumannaallisaanermik ajutoorneq pillugu
nalunaarsugaasoq nalunaarfigereersimanngippagu, nakkutilliinermut
oqartussaasut inunnut paasissutissanik isumannaallisaanermik ajutoornerup
annertuumik navianaateqarnerata ilimanaataa eqqarsaatigereerlugu,
qarasaasiami paasissutissanut akisussaasoq taamaaliussasoq, imaluunniit,
imm. 3-mi piumasaqaatit ilaat ataaseq naammassineqarsimassasoq,
aalajangiutissagaa, piumasarisinnaavaat.

Imm. 6. Nalunaarsugaasup kalerrinneqarnissaa, § 14, imm. 1-imi
eqqaaneqartunik pissuteqartumik kinguartinneqarsinnaavoq,
killilersimaarneqarsinnaavoq imaluunniit pitinnginneqarsinnaalluni.

Immikkoortoq VI

Qarasaasiami paasissutissanik illersuinermut siunnersorti

Kapitali 14

Qarasaasiami paasissutissanik illersuinermut siunnersortimik toqqaaneq

§ 30. Qarasaasiami paasissutissanut akisussaasoq, ilinniakkamut
piginnaasat, ilaatillugit pingaartumik qarasaasiami paasissutissanik
illersuinermut inatsisinik aamma -suleriaatsinik immikkut
piginnaannngorsarfigisimasat, aamma suliassanik naammassinnissinnaaneq,
kapitali 15-imi eqqaaneqartut tunngavigalugit qarasaasiami paasissutissanut
illersuinermut siunnersortimik, inunnut paasissutissanik illersuineq pillugu

apeqqutitut tamanut ilaatinneqartussamik toqqaassaaq.

Imm. 2. Qarasaasiami paasissutissanut illersuinnermut siunnersortit arlallit, annertussuseq aamma aaqqissuussaannermut pissutsit eqqarsaatigalugit ataatsimoorfiussamik qarasaasiami paasissutissanut illersuinnermut siunnersortimik toqqaasinnaapput.

Imm. 3. Eqqartuussiveqarfittut pissutsiminni inunnut paasissutissanik suliarinninnermik suliaqarunik imm. 1-imi aalajangersagaq eqqartuussiveqarfinnut atuutinngilaq.

Imm. 4. Qarasaasiami paasissutissanut akisussaasuusup qarasaasiami paasissutissanut illersuinnermut siunnersorti pillugu paasissutissat tamanut nalunaarutigissavai aammalu tamakkua nakkutilliinnermut oqartussaasunut nalunaarutigalugit.

Kapitali 15

Qarasaasiami paasissutissanut illersuinnermut siunnersortip suliffia suliassaalu

§ 31. Qarasaasiami paasissutissanut akisussaasuusup qarasaasiami paasissutissanut illersuinnermut siunnersorti tapersersortassavaa, imaaliorsinnaanerani

- 1) qarasaasiami paasissutissat illersorneqarnerat pillugu manna inatsit aamma inatsisit allat malillugit pisussaaffii pillugit inunnut paasissutissanik suliarinnittartunik qarasaasiami paasissutissanut akisussaasuusumik aamma sulisunik, qarasaasiami paasissutissanut illersuinnermut siunnersorti ilisimatitsigaangat,
- 2) qarasaasiami paasissutissanik illersuineq pillugu matuminnga inatsimmik aamma inatsisinik allanik aamma qarasaasiami paasissutissanut akisussaasuusup inunnut paasissutissanik illersuineq pillugu politikkiinik eqquutsitsinnermik, ilaatillugu akisussaaffimmik agguataarineq, paasisitsiniaanerit aamma suliarinninnermut suliaqaqataasunik aamma tamatumunnga attuumassuteqartunut kukkunersuinnermut sulisunik ilinniagaqartitsinnermik, nakkutilliisinnaanerani,
- 3) qarasaasiami paasissutissanik illersuineq pillugu kingunerisassanik

naatsorsuineq eqqarsaatigalugu qinnuteqartoqartillugu
tamatuminnga siunnersuisinnaanerani aammalu § 25-imi
aalajangersagaq naapertorlugu tamatuma eqquunnerata
nakkutigineranut kiisalu

- 4) nakkutilliinermik oqartussaasunik suleqateqarsinnaanerani aamma
suliarinninneq pillugu apeqqutini, ilaatillugu § 26-imi eqqaaneqartoq
sioqqutsisumik tusarniaanermi, aamma naapertuukkaangat
apeqqutaasinnaasut pillugit nakkutilliinermik oqartussaasut
tusarniaaviginerini, nakkutilliinermik oqartussaasunut attaveqaatitut
atuussinnaaneranani tapersersortassavaa.

Immikkoortoq VII

*Nunat peqatigiit avataaniittunut nunanut imaluunniit nunani tamalaani
kattuffinnut inunnut paasissutissanik nuussisarnerit*

Kapitali 16

Najoqqutassiat nalinginnaasut

§ 32. Passunneqartunik imaluunniit nunat peqatigiit avataanniittumut
nunamut imaluunniit nunani tamalaani kattuffimmut nuunneqareernerisa
kingorna passunnissaannik pilersaarutigineqartunik, ilaatillugu nunat
peqatigiit avataanniittumut nunamut allamut imaluunniit nunani tamalaani
kattuffimmut allamut nuussueqqinneq, inunnut paasissutissanik nuussuineq,
inatsimmi matumani maleruagassat malinnerisigut taamaallaat, aammalu
immikkoortumi matumani piumasaqaatit malinneqarpata pisinnaavoq,
ilaatillugit pingaartumik

- 1) § 1, imm. 1-imi eqqaaneqartut siunertanut naleqqiullugu nuussuineq
pisariaqarpat,
- 2) § 1, imm. 1-imi eqqaaneqartunut siunertanut naleqqiullugu
piginnaatitaasumut nunat peqatigiit avataanniittumut nunami
imaluunniit nunani tamalaani kattuffimmi qarasaasiami
paasissutissanut akisussaasuusumut inunnut paasissutissat

nuunneqarpata,

- 3) EU-mi ilaasortaasumi naalagaaffimmi piginnaatitaasoq oqartussaasuusoq sioqqutsisumik naalagaaffimmi immi maleruagassat naapertorlugit nuussuinissamut akuersereersimappat aammalu inunnut paasissutissat oqartussaasuusumit tassannga aallakaatinneqarsimappata imaluunniit atugassiarineqarsimappata,
- 4) kapitali 17-imi eqqaaneqartut nuussuinissamut tunngavissat ilaat ataaseq atuuppat, aamma
- 5) nunat peqatigiit avataanniittumut nunamut allamut imaluunniit nunani tamalaani kattuffimmut allamut nassiussisoqarsimatillugu, taanna piginnaatitaasoq oqartussaasuusoq aallaqqaammut nassiussuussinermik suliarinnissimasoq, pissutsit atuuttut tamaasa eqqarsaatigeqqissaareerlugit, ilaatillugit pinerlunnerup sakkortussusaa, inunnut paasissutissat aallaqqaammut nassiussuunneqarneranut siunertaa aamma inunnut paasissutissat nassiussuuteqqinneqarfianni nunat peqatigiit avataanniittumi nunami imaluunniit nunani tamalaani kattuffimmi inunnut paasissutissanik illersuinerup annertussusaa, nassiussuinissamut piginnaatitsissummik tunniussisimappat.

Imm. 2. Imm. 1, nr. 3 malillugu sioqqutsisumik akuersissuteqarani nuussuineq, Kalaallit Nunaannut, EU-mi ilaasortaasumut naalagaaffimmut imaluunniit nunat peqatigiit avataanniittup pisortatigut isumannaallisaataanut imaluunniit EU-mi ilaasortaasup naalagaaffiup pingaarutilinnik soqutigisaanut sakkortuumik siorasaarummut pitsaaliuiniarnermut pisariaqarpat aamma sioqqutsisumik akuersissut angumersisumik pissarsiarineqarsinnaanngippat nuussuineq pisinnaavoq. Taanna oqartussaasuusoq akuersissummut pineqartup tunniunneqarneranut akisussaasuusoq, nuussuineq pillugu ingerlaannaq ilisimatinneqassaaq.

Kapitel 17

Nuussuinissamut tunngaviusut

§ 33. Nunat peqatigiit avataanniittoq nuna, sumiiffik imaluunniit nunat peqatigiit avataanniittumi nunami immikkuullarissoq sektor-i ataaseq

arlallilluunniit imaluunniit nunani tamalaani kattuffik pineqartooq illersuineramik pitsaassusermik naammattumik peqarnera pillugu Europa-Kommission-i aalajangiisimappat nuussuineq pisinnaavoq.

§ 34. § 33-imi eqqaaneqartutut aalajangiisoqarsimanngippat, nuussuineq pisinnaavoq, imaattoqarpat

- 1) inunnut paasissutissanik illersuineq eqqarsaatigalugu nunat tamalaat akornanni isumaqatigiisummi pisariaqartunik qularnaveeqqusiisoqarsimappat, imaluunniit
- 2) qarasaasiami paasissutissanut akisussaasuusup nalilersimappagu inunnut paasissutissanik nuussinermut atatillugu pissutsit tamaasa naliliivigisimallugit, aamma Inunnut paasissutissanik illersuinermut qularnaveeqqutunik pisariaqartunik peqartutut inerniliisimappat.

Imm. 2. Qarasaasiami paasissutissanut akisussaasuusup imm. 1-i, nr. 2 malillugu nuussukkat immikkoortiterneri pillugit nakkutilliinermut oqartussaasut ilisimatissavai.

Imm. 3. Imm. 1, nr. 2 malillugu nuussineq, nuussinermi piffissamut aamma ullormut, oqartussaasoqarfik piginnaatitaasoq tigusiisusaq pillugu paasissutissanut, nuussinermut pissutaasumut kiisalu inunnut paasissutissanut nuussanut naleqqiullugu allatamik uppernarsaaserneqassaaq. Allatamik uppernarsaat, qinnutigineqarnera malillugu, nakkutilliinermut oqartussaasumut atorineqariaannaatinneqassaaq.

§ 35. § 33-imi eqqaaneqartutut aalajangigaqanngippat imaluunniit § 34-imi eqqaaneqartutut pisariaqartunik qularnaveeqquteqanngippat, nuussineq taamaallaat pisinnaavoq imaluunniit immikkoortitikkani nuussinert taamaallaat pisinnaapput, nuussineq pisariaqarpat imaattuni

- 1) nalunaarsugaasup imaluunniit inuup allap soqutigisai mianernartut illersorniarlugit,
- 2) inatsit naapertorlugu aalajangersagaappat, nalunaarsugaasup inatsisitigut soqutigisai illersorniarlugit,
- 3) Kalaallit Nunaannut, EU-mi ilaasortaasup naalagaaffiup imaluunniit nunat peqatigiit avataanniittup iluanni tamat isumannaatsuutinneqarnerannut toqqaannartumik ilungersunartumik sioorasaarummik pinngitsoortinniarlugu,

- 4) § 1, imm. 1-imi eqqaaneqartut siunertat tunaaralugit suliani ataasiakkaani, imaluunniit
- 5) suliami ataasiakkaami, eqqartuussisutigut piumasaqaat aalajangersarneqarsinnaatinniarlugu, atuutilersinniarlugu imaluunniit § 1, imm. 1-imi eqqaaneqartut siunertat tunaartaralugit illersorniarlugu.

Imm. 2. Nuussinermi inuiaqatigiit eqqarsaatigalugit soqutigisanut sanilliullugit, nalunaarsugaasup pisinnaatitaaffinik eqqarsaatiginninnissaq salliutinneqarpat, imm. 1, nr. 4 aamma 5 malillugit nuussinerit pisinnaanngillat.

Imm. 3. Imm. 1-i malillugu nuussineq, nuussinermi piffissamut aamma ullormut, oqartussaasoqarfik piginnaatitaasoq tiguisusaaq pillugu paasissutissanut, nuussinermut pissutaasumut kiisalu inunnut paasissutissanut nuussanut naleqqiullugu allatamik uppersaaserneqassaaq. Allatamik uppersaat, qinnutigineqarnera malillugu, nakkutilliinermut oqartussaasumut atorineqariaannaatinneqassaaq.

§ 36. Oqartussaasut piginnaatitaasut nunani tamalaani isumaqatigiissut imaluunniit aalajangersimaqqissaartoq kisiartaq pineqartoq tunulequtaralugu oqartussaasunut piginnaatitaasunut allanut aamma nunani tamalaani kattuffinnut inunnut paasissutissanik nuussisinnaapput imaattuni

- 1) inatsisit malillugit, aamma § 1, imm. 1-imi eqqaaneqartunik siunertanik toraagaqarluni suliap, naammassineqarnissanut oqartussaasumut piginnaatitaasumut nuussisumut nuussineq pisariaqavippat,
- 2) pisumi pineqartumi nuussinissamik pisariaqalersitsisumik inuiaqatigiit soqutigisaannit nalunaarsugaasut pineqartut arlaannaataluunniit tunngaviusumik pisinnaatitaaffii salliutinneqassanngitsut, nuussisuusup oqartussaasup piginnaatitaasup aalajangiuppagu,
- 3) nuussiffigineqartoq oqartussaasuusooq nunat peqatigiit avataanniittumi nunami piginnaatitaasoq, pingaartumik nuussinissaagaluq piffissaq eqqorlugu suliarineqarsinnaanngimmat, § 1, imm. 1-imi eqqaaneqartunut siunertanut naleqqiullugu

sullerluttuusoq imaluunniit siunertamut tulluutinngitsoq, oqartussaasoq piginnaatitaasoq nuussisuusoq isumaqarpat,

- 4) oqartussaasuusoq nunat peqatigiit avataanniittumi nunami § 1, imm. 1-imi eqqaaneqartunut siunertanut naleqqiullugu piginnaatitaasoq, imaanngippat tamanna sullerluttuusoq imaluunniit siunertamut tulluutinngitsoq, pisariaqanngitsumik kinguarsarnagu ilisimatinneqassaaq, aamma
- 5) kingulliullugu eqqaaneqartoq inunnut paasissutissaannavinnik suliarinninsinnaasoq, tamanna suliarinninnissaq pisariaqarnersoq apeqqutaalluni, oqartussaasuusup piginnaatitaasup nuussisup siunertaq imaluunniit siunertat aalajangersimaqqissaartut pillugit tiguisusaaq ilisimatippagu.

Imm. 2. Oqartussaasuusoq piginnaatitaasoq nuussisoq allatamik uppernarsaasiussaaq nakkutilliinermullu oqartussaasoq imm. 1-i malillugu nuussuinerit pillugit ilisimatissallugu.

Immikkoortoq VIII

Nakkutilliinermut oqartussat

Kapitali 18

Qarasaasiami paasissutissanut nakkutilliivik

§ 37. Inatsisinik atuutsitsillutik oqartussat Danmarkimi inunnut paasissutissanik suliarinnittarnerat pillugu qallunaat inatsisaanni suliarinninneq sunaluunniit nakkutigissavaa, taamaattoq tak. kapitali 19.

Imm. 2. (Kalaallit Nunaannut atuutilersinneqassanngilaq).

Kapitali 19

Eqqartuussiveqarfinnik nakkutilliineq

§ 38. Tamakkua eqqartuussiveqarfiunermisut sulinngippata, eqqartuussiveqarfinnit suliarineqartunik paasissutissanik suliarinninneq eqqartuussiveqarfinnut aqutsisoqarfiup nakkutigissavaa.

Imm. 2. Paasissutissanik suliarinninnerni allani eqqartuussivimmit pineqartumit aalajangiivigineqartassaaq. Aalajangiineq eqqartuussivimmut qaffasinnerusumut naammagittaalliutigineqarsinnaavoq. Eqqartuussiveqarfinni immikkut ittuni, aalajangiinernik eqqartuussivimmut qaffasinnerusumut ingerlatitseqqiiviusinnaanngitsuni, pkt. 1.-imi eqqaaneqartoq, aalajangiineq, kredsret-ip sumiiffianiittumut, landsret-imut, naammagittaalliutigineqarsinnaavoq. Naammagittaalliornissamut piffissarititaq, pineqartumut nalunaarutigineqarneraniit sapaatit akunnerinik 4-nik sivisussuseqarpoq.

Kapitali 20

Nakkutilliinermut oqartussaasut suliaasaat aamma piginnaatitaaffii

§ 39. Nakkutilliinermut oqartussaasut tamakkiisumik kiffaanngissuseqarlutik atuuttassapput.

§ 40. Nakkutilliinermut oqartussaasut makkua Kalaallit Nunaanni suliassaraat

- 1) inatsimmik matuminnga atuineq nakkutigissallugu aamma eqquutitissallugu,
- 2) inunnut paasissutissanik suliarinninnermut atatillugu navianaatinik, maleruagassanik, qularnaveeqqutinik aamma pisinnaatitaaffinnik tamat ilisimanninnerat aamma paasinninnerat allisassallugu,
- 3) suliarinninnermut atatillugu inuit pisinnaatitaaffiisa illersornissaannut inatsisinut tunngasut aamma ingerlatsinikkut iliuusissat pillugit Inatsisartut, Naalakkersuisut aamma pisortat suliffeqarfiutaat aamma immikkoortortaarfii siunnersussallugit,
- 4) qarasaasiami paasissutissanut akisussaasup aamma qarasaasiami paasissutissanik suliarinnittartup inatsit manna malillugu pisussaaffimminnik paasinninnerat siuarsassallugu,
- 5) tamanna pisariaqarpat, aamma EU-mi ilaasortaasuni naalagaaffinni nakkutilliinermut oqartussaasunik ikioqateqarnissaq siunertaralugu, manna inatsit malillugu pisinnaatitaaffimminik atuineq pillugu

qinnuteqartoqarnera malillugu nalunaarsugaasut tamaasa ilisimatissallugit,

- 6) pingaartumik nakkutilliinermut oqartussaasunik allanik peqateqarluni ilassutitut misissuineq imaluunniit ataqatigiissaarineq pisariaqarpat, aamma siunertamut naleqquppat, naammagittaalliummut tunngaviusoq misissussallugu aamma annerpaamik qaammatit pingasut iluanni misissuinermit inernerusumik naammagittaalliortoq ilisimatissallugu, § 48-mi aalajangersagaq naapertorlugu nalunaarsugaasumit imaluunniit immikkoortortaqarfimmit imaluunniit kattuffimmit naammagittaalliutit passutissallugit,
- 7) (Kalaallit Nunaannut atuutilersinneqassanngilaq)
- 8) (Kalaallit Nunaannut atuutilersinneqassanngilaq)
- 9) kapitali 22 malillugu ingerlatitseqqiinermit periarfissat pillugit nalunaarsugaasoq naammagittaalliuteqartoq ilisimatissallugu,
- 10) kapitali 4-6 malillugit ilanngussinnginneq, kinguartitsineq, killiliineq imaluunniit itigartitsineq naapertorlugit inunnut paasissutissanik suliarinninnerup unioqqutitsinerunnginnera pillugu aamma nalunaarsugaasoq piffissarititap naleqquttup iluani misissuinerup inernera pillugu ilisimatissallugu imaluunniit misissuinerit suliarineqarsimannginnerannut pissutaasoq pillugu, aamma kapitali 22 malillugu ingerlatitseqqiinnissamut nalunaarsugaasup periarfissai pillugit qinnuteqartoqarnera malillugu nakkutigissallugit,
- 11) ilaatillugit matuminnga inatsimmik atuutsitsinikkut aammalu assigiissagaasumik atuinikkut qulakkeerinissaq siunertaralugu akimortumik ikioqatigiinnikkut aamma paasissutissanik avitseqatigiittarnikkut, nakkutilliinermut oqartussaasunik allanik suleqateqassallutik,
- 12) nakkutilliinermut oqartussaasumiit allamiit imaluunniit pisortat oqartussaasuiniit allaniit tigusimasanik paasissutissat tunngavigalugit ilaatillugit, inatsimmik matuminnga atuneq pillugu misissuinerit suliaqassallutik,
- 13) pingaartumik paasissutissat- aamma attaveqatigiinneq pillugit teknologi-ip iluani ineriartorneq, inunnut paasissutissanik

illersuinnermut sunniutai eqqarsaatigalugit, ineriartorneq attuumassutilik nakkutigissallugu,

14) § 26-imi eqqartorneqartutut suliarinninnermut sullinnerit pillugit siunnersuissallutik.

15) (Kalaallit Nunaannut atuutilersinneqassanngilaq)

Imm. 2. Imm. 1, nr. 6 malillugu naammagittaalliutinik tunniussineq nakkutilliinnermut oqartussaasut oqilisassavaat.

Imm. 3. Inatsit manna malillugu ersarissumik tunngaveqanngitsut imaluunniit ingasattumik qinnuteqaatigeqqittaattaakkat nakkutilliinnermut oqartussaasut itigartissinnaavaat.

§ 41. Ilaatillugu, inatsimmi aalajangersakkat ataanni pisup inissisimanera pillugu, paasissutissaq sunaluunniit suliaminnut isumaqarnerisq aalajangiinissamut nakkutilliinnermut oqartussaasut piunasaqaatigisinnaavaat.

Imm. 2. Nakkutilliinnermut oqartussaasunut ilaasortat aamma sulisut naleqquttumik kinaassutsimut uppersaammik takutitsinikkut qaqugukkulluunniit eqqartuussisunit akuersissummik peqqaaratik, inunnut paasissutissanik suliarinninnermik suliaqarfiusunut, ininut tamanut isersinnaatitaapput.

§ 42. Suliarinninnermut suliaqarnerit pilersaarutaasut matumunnga inatsimmut akerliussinnaanerata ilimanaateqarnera pillugu qarasaasiami paasissutissanut akisussaasuusumut aamma qarasaasiami paasissutissanik suliarinnittartumut nakkutilliinnermut oqartussaasut oqaaseqaateqarsinnaallutillu, suliarinninnermik suliaqarnerit matumunnga inatsimmut naapertuuttunngortinnissaat imaluunniit utaqqiisaasumik imaluunniit toqqaannartumik killiliinissamik, ilaatillugu inunnut paasissutissanik suliarinninnerup inerteqqutiginnissaa pillugu peqqusisinnaapput.

Imm. 2. Manna inatsit malillugu nakkutilliinnermut oqartussaasut aalajangigaat, ingerlatsinikkut oqartussaasunut allamut suliareqqitassatut tunniunneqarsinnaanngilaq.

§ 43. Inunnut paasissutissanik suliarinninnermut sunniutilinnik nalinginnaasunik inatsisinik tunngavilimmik malittarisassiuinermi, Qarasaasiami Paasissutissanut Nakkutilliivimmiit (Datatilsynet-imiit) oqaaseqaammik piniartoqassaaq. Paasissutissanik suliarinninnermut sunniutilinnik nalinginnaasunik inatsisinik tunngavilimmik malittarisassiuineq eqqartuussiveqarfinnit suliarineqartoq pineqarpat, Eqqartuussiveqarfinnik Aqutsisoqarfinnik oqaaseqaammik piniartoqassaaq.

§ 44. Inuinnaat eqqartuussisulersuussisarnerattut matuminnga inatsimmik unioqqutitsineq pillugu apeqqummik nakkutilliinermik oqartussaasut eqqartuussisulersuussisinnaapput.

§ 45. Folketingimut, Namminersorlutik Oqartussanut aamma Justitsminister-imut, ingerlatatik pillugit, nakkutilliinermik oqartussaasut ukiumoortumik nalunaarusissapput. Nalunaarusiaq tamanut saqqummiunneqassaaq.

Kapitali 21

Suleqatigiinneq

§ 46. Pingaartumik pasissutissanik pisariaqartunik tamanik avitseqatigiittarnikkut, pisussaaffiit naammassineqarnissaannut pisariaqarnera naapertorlugu, nakkutilliinermut oqartussaasut suleqataassapput.

§ 47. (Kalaallit Nunaannut atuutilersinneqassanngilaq)

Imm. 2. (Kalaallit Nunaannut atuutilersinneqassanngilaq)

Imm. 3. (Kalaallit Nunaannut atuutilersinneqassanngilaq)

Immikkoortoq IX

Kapitali 22

§ 48. Nalunaarsugaasoq imaluunniit taassuma sinnisua, nalunaarsugaasoq pillugu paasissutissanik suliarinninneq pillugu pineqartumut nakkutilliinermut oqartussaasumut naammagittaalliorsinnaavoq.

Imm. 2. Nakkutilliinermut oqartussaasut aalajangigaat, nalunaarsugaasumit naammagittaalliummik suliarinninnissamik ilaatinngisaat imaluunniit § 40, imm. 1, nr. 6-i malillugu ilisimatitsinngitsoorneq, nalunaarsugaasumit imaluunniit taassumunnga sinniisuusumit inuinnaat eqqartuussisarnerannik ilusilimmik eqqartuussiveqarfinnut tunniussinnaavai.

Imm. 3. Nalunaarsugaasup imaluunniit taassumunnga sinniisuusup, qarasaasiami paasissutissanut akisussaasuusup aamma qarasaasiami paasissutissanik suliarinnittartuusup matuminnga inatsimmik eqquutsitsisimanera pillugu apeqqut inuinnaat eqqartuussisarnerannik ilusilimmik eqqartuussiveqarfinnut tunniussinnaavaa.

§ 49. Inuk kinaluunniit, unioqqutitsisumik suliarinninnernik suliat, imaluunniit matumunnga inatsimmut akerliusut allat suliarinninnerit suulluunniit malitsigisaannik pigisanik imaluunniit tigussaasuunngitsunik nalilinnik annaasaqarsimasoq, taarsiissuteqarnissamut akisussaaffik nalinginnaasoq naapertorlugu qarasaasiami paasissutissanut akisussaasuusumit taarsiivigitinnissamut pisinnaatitaaffeqarpoq.

§ 50. Qarasaasiami paasissutissanik suliarinnittartoq namminersortoq, oqartussaasumut piginnaatitaasumut sullissinermi, suliarinninnermut atatillugu, § 22, imm. 2 aamma 3, § 23, imm. 2, § 27 aamma § 28, imm. 2

unioqputikkunigit, imaluunniit § 42 naapertorlugu nalunaarutaasoq peqqusissut imaluunniit inerteqqut naammassinngikkuniuk, pinerluttulerinermi inatsit malillugu pineqaatissinneqarsinnaavoq.

Imm. 2. Qarasaasiami paasissutissanut akisussaasuusoq, § 42 naapertorlugu nalunaarutaasumik peqqusissummik imaluunniit inerteqqummik naammassinninngitsoq, akiliisitaassaaq.

Imm. 3. Inatsit malillugu maleruagassani atulersitaasuni, pinerluttulerinermi inatsit malillugu, pineqaatissiisoqarsinnaavoq.

Imm. 4. Pinerluttulerinermi inatsimmi kapitali 5-imi maleruagassat malillugit, ingerlatseqatigiiffinnut il.il. (inatsisitigut akisussaasunut) pinerluttulerinermi eqqartuussinermi, akisussaaffimmik peqqusissuteqartoqarsinnaavoq.

Immikkoortoq X

Inaarutaasumik aalajangersakkat

Kapitali 23

Ilaatillugit atuutilersitsinermut aalajangersakkat il.il., inaarutaasumik aalajangersakkat

§ 51. Politiinik, unnerluussisuutitaasunik, ilaatillugit sakkutooqarnermi unnerluussisuutitaasunik, pinerluuteqarsimasunik isumaginnittunik aamma Politiit Naammagittaalliuutigineqarnerannut Oqartussat Arlaannaannulluunniit Attuumassuteqanngitsunik (Den Uafhængige Politiklagemyndighed-inik) sullissinermi, inatsimmut ilaatinneqartunik inunnut paasissutissanik suliarinninnermut pisuni immikkut ittuni maleruagassanik sukumiinerusunik pineqartoq minister-i aalajangersaasinnaavoq.

Imm. 2. (Kalaallit Nunaanni atuutilersinneqassanngilaq)

§ 52. Peqqussut atuutilissaaq ulloq 1. januar 2023.

Imm. 2. Justitsministerip aalajangissavaa qaqugu peqqussutip atuutilernissaa pinerluttunik isumaginnittoqarfimmi eqqartuussivinnilu. Ministerip aamma aalajangersinnaavaa peqqussutip pinerluttunik isumaginnittoqarfimmi eqqartuussivinnilu piffissani assigiinngitsuni atuutsinneqalernissaa.

§ 53. 1. januar 2023-p kingorna aallarnisarneqartunut, aamma nalunaarsuutinut pilersinneqartunut inunnut paasissutissanik suliarinninnermut nutaamut naleqqiullugu inatsimmi §§ 25 aamma 26 atuupput.

§ 54. Isumaqatigiissutit allanngortinneqarnissaasa, taarserneqarnissaasa imaluunniit atorunnaarsinneqarnissaasa tungaannut, ulloq 6. maj 2016 sioqqullugu isumaqatigiissutaasut, nunani tamalaani isumaqatigiissutit malillugit, peqatigiit avataanniittumut nunamut aamma nunani tamalaani kattuffinnut nuussinerit, pisinnaapput.

§ 55. Kunngip peqqussutaatigut nr. 1283, 14. oktober 2016-imeersukkut Kalaallit Nunaannut atuutilersinneqartumi, kingusinnerusukkut allannguutai ilaatillugit inunnut paasissutissanik suliarinnittarneq pillugu inatsimmi nr. 429, 31. maj 2000-imeersumi, allannguutit tulluuttut suliarineqarput:

1. § 2, imm. 4, atorunnaarsinneqarpoq.

Imm. 5-10-mut tamatuma kingunerisaanik imm. 4-9-munngortinneqarput.

2. § 2-p kingorna kapitali 1-imi ikkunneqarput:

»§ 2 a. Inatsisinik atuutsitsillutik oqartussat inunnut paasissutissanik suliarinnittarnerat pillugu inatsimmut ilaatinneqartumut suliarinninnermut, inatsit atuutinngilaq, taamaattoq tak. imm. 2.

Imm. 2. § 32, imm. 4, § 41, aamma § 67 malillugit maleruagassat atulersinneqartut, inatsimmut matumunnga akerliusussaanngippat,

inatsisinik atuutsitsillutik oqartussat inunnut paasissutissanik
suliarinnittarnerat pillugu inatsimmut ilaatinneqartoq inunnut
paasissutissanik suliarinninnermut atuupput.«

§ 56 Peqqussutit inatsit malillugu atuutilersinneqartut Kalaallit Nunaannut
atuutilersinneqassanngillat.

¹ Aalajangersagaq tulluuttunik oqaasertaqarpoq: »Inatsit Savalimmiunut atuutinngilaq, kisianni Savalimmiuni pissutsit apeqqutaatillugit allannguutit ilaatillugit naalagaaffimmi oqartussaasut paasissutissanik suliarinninnerannut kunngip peqqussutaatigut atulersinneqarsinnaalluni. Inatsit Kalaallit Nunaannut atuutinngilaq, kisianni Kalaallit Nunaanni pissutsit apeqqutaatillugit allannguutit ilaatillugit kunngip peqqussutaatigut atulersinneqarsinnaalluni.«

² Aalajangersagaq tulluuttunik oqaasertaqarpoq: » Inatsimmi §§ 1, 4-25 aamma 29 Kalaallit Nunaannut atuutinngillat, kisianni inatsimmi §§ 1, 4, 8, 14, 17, 18, 24 aamma 25 tamakkiisumik imaluunniit ilaannakuusumik Kalaallit Nunaanni pissutsit apeqqutaatillugit allannguutit ilaatillugit kunngip peqqussutaatigut Kalaallit Nunaannut atulersinneqarsinnaallutik.«

³ Aalajangersagaq tulluuttunik oqaasertaqarpoq: » Inatsit Kalaallit Nunaannut atuutinngilaq, kisianni tamakkiisumik imaluunniit ilaannakuusumik Kalaallit Nunaanni pissutsit apeqqutaatillugit allannguutit ilaatillugit kunngip peqqussutaatigut Kalaallit Nunaannut atulersinneqarsinnaalluni.«